

**LJEKARSKA-LIJEČNIČKA KOMORA
KANTONA SARAJEVO**

PRAVILNIK O DODJELI POMOĆI ČLANOVIMA KOMORE

Sarajevo, maj 2025. godine

Na osnovu člana 10. stav 1. tačka 1. i člana 29. stav 1. tačka 1. Statuta Ljekarske - Liječničke komore Kantona Sarajevo, Upravni odbor Ljekarske-Liječničke komore Kantona Sarajevo na sjednici održanoj dana 19.05.2025. godine donosi:

P R A V I L N I K

o dodjeli pomoći članovima Komore

Član 1.

Ovim Pravilnikom propisuju se kriteriji i uvjeti koje članovi Komore moraju ispunjavati da bi imali pravo na korištenje sredstava Komore, ovlaštenje za dodjeljivanje pomoći, kao i druga pitanja koja se odnose na dodjelu pomoći.

Član 2.

Članom Komore smatra se svaki ljekar koji je upisan u registar lekara Komore i ima važeće odobrenje za samostalan rad - licencu (u daljem tekstu: Član).

Član 3.

Sredstva za dodjelu pomoći osiguravaju se iz članarine i upisnine, u skladu sa usvojenim finansijskim planom za tekuću godinu.

Sredstva za dodjelu pomoći osiguravaju se u vidu jednokratne, novčane pomoći.

Član 4.

Sredstva iz člana 3. ovog Pravilnika namijenjena su isključivo u slučaju teške bolesti, ali se ne odnose na bolest koja je posljedica povrede na radu.

Sredstva iz člana 3. ovog Pravilnika namijenjena su za liječenje hroničnih oboljenja za koje je cjelovito liječenje obezbjeđeno u zemlji i akutnih oboljenja koja zahtijevaju liječenje van zemlje.

Na osnovu iste medicinske dijagnoze može se samo jednom dodijeliti pomoć u toku jedne kalendarske godine.

Iz stava 1. ovog Pravilnika pojam teških bolesti određivat će se u skladu sa Naredbom o listi teških bolesti, odnosno fizičkih povreda na osnovu kojih se ostvaruje naknada za slučaj teške invalidnosti ili teške bolesti iz službenih novina Federacije BiH broj 02-33-0983-1/24 od 22.03.2024. godine.

Upravni odbor Komore će formirati radni tim sastavljen od 4 člana, od kojih će tri člana biti doktori, dok će četvrti član biti pravnik – generalni sekretar Komore. Radni tim će se sastajati po potrebi i nadležan je za razmatranje zahtjeva/molbi, te je dužan da donese odluku o tome da li je zahtjev/molba u skladu sa ovim pravilnikom, odnosno da li podnositelj zahtjeva/molbe ispunjava uslove kako bi mu se odobrila pomoć.

Član 5.

Maksimalni iznos sredstva iz stava 3. ovog Pravilnika iznosi tri prosječne plate u Kantonu Sarajevo i isti se isplaćuje isključivo na račun podnosioca molbe – člana Komore.

Član 6.

Pravo na dodjelu pomoći ima svaki Član koji na dan podnošenja molbe nema neizmirenih obaveza po osnovu članstava (članarine) u Komori.

Uz molbu za dodjelu pomoći Član je dužan dostaviti sljedeće:

- Medicinsku dokumentaciju sa dokazima o dužini bolovanja;

Molba se podnosi Upravnom odboru Komore u roku od 30 dana po utvrđenoj dijagnozi.

Nakon prijema molbe, Sekretar Komore je dužan da urednu molbu dostavi na razmatranje Upravnom odboru na sjednici Upravnog odbora.

U slučaju neuredne dokumentacije, Sekretar Komore je dužan da u roku od 8 dana od dana prijema molbe, pozove Člana da istu upotpuni, ostavljajući mu rok ne duži od 15 dana.

Član 7.

Ako se utvrdi da je u vrijeme liječenja, odnosno bolovanja član Komore obavljao liječničku djelatnost, dužan je vratiti isplaćeni novčani iznos.

Član 8.

Protiv odluke Upravnog odbora na visinu dodijeljenih sredstava ili protiv odluke Upravnog odbora kojoj je odbijena ili odbačena molba za dodjelu pomoći, Član može podnijeti prigovor Upravnom odboru u roku od 8 dana od dana prijema pobijane odluke.

Član 9.

Upravni odbor Komore je dužan u roku od 15 dana odlučiti o prigovoru Člana Komore protiv odluke iz člana 8. ovog Pravilnika.

Član 10.

Objašnjenja, tumačenja i uputstvo za primjenu ovog Pravilnika daje Upravni odbor Komore.

Član 11.

Administrativnu, stručno-tehničku pomoć, knjigovodstveno – računovodstvene i druge poslove obavljat će osoblje Komore.

Član 12.

Ovaj Pravilnik stupa na pravnu snagu danom donošenja.

Danom donošenja ovog Pravilnika prestaje da važi Pravilnik o dodjeli pomoći članovima Komore i njihovim prodicama od 09.07.2019. godine, Pravilnik o dopuni Pravilnika od 08.06.2020. godine, Pravilnik o dopuni Pravilnika od 29.03.2022. godine, kao i pravilnik od 25.12.2023. godine

Broj: 473 /2025

U Sarajevu 19.05.2025. godine.

Predsjednica Upravnog odbora Komore

Prim. dr. sci. med. Sanela Vesnić



Sanela Vesnić